

CHINESE-JAPANESE LIBRARY
HARVARD-YENCHING INSTITUTE
AT HARVARD UNIVERSITY

UNIVERSAL
MAR 31 1959

2252.8/2429

5

卷十四
錄
行狀
墓志
像贊
碑文

同治餘烈朱氏譜

餘姚朱氏宗譜卷十四

明誥封中憲大夫直隸揚州府知府前廣東廣州府從化縣知縣

趙府審理正隣龍朱公行狀

大房十四世諱宇道

萬曆庚申爲泰昌紀元之十月朔午時封中憲隣龍朱公考終不
佞驄次兒實公長君憲副壻憲副手公行畧泣如雨來屬驄銓次
爲狀驄生也晚又椎無文安足狀公顧辱肺腑不敢以執筆辭公
初諱守道旣避守巡稱改爲宇字性之隣龍其別號也朱自福榮
公始卜築邑西龍山其先系出天長宋秘書監輔扈從入浙居山
陰則爲山陰之白洋里人徙虞爲虞人再徙邑冠珮爲冠珮里人
福榮公六傳卽公王父濟齋公家累巨萬饒陰德有子三長望男
公是爲公考妣周孺人妊時夢龍從縣署碑陰飛繞身日照鱗甲



奪目遂寤生公公穎敏絕倫過目不忘縱筆爲文宿儒莫不吐舌
十三卽見賞郡守邵公弱冠補博士弟子試輒高等壬申食縣官
餼凡十與鄉比竟數竒弗偶先是庚午斐川闕公得闈中牘已薦
入額主者以他暱格公猿臂將軍不侯非戰之罪也壬寅歲薦猶
欲假途成均背城冀北時大儀劉公行素與憲副同年尼之曰數
固難料丞尉蒲伏孰與苜蓿自如因授遂安學博公至遂安多方
振鐸章縫翕然應之如汪君某方君某浹起魁浙皆門下士也戊
申遷尹從化從化粵彈丸邑公下車備諸善政循聲蔚起當途謂
此不足公治移署清遠一如所以治從化者當是時連州苦八山
獠前刺史不能誰何以偏師壓之逆命兵使者史公素才公白制
按檄公部定公挺身詣遊戎營抵掌方畧軍容大壯刁斗劃然且

爲設購廣捕獠旣氣奪復馳諭招撫之寬以不死於是厥魁廖永
寧等自縛請臯至感泣下謂非朱明府吾儕莫知所生當途益竒
公連士民亦請乞公卽真保障之方擬疏請而代者至難其改除
復移署順德順德難治粵所首屈指者公視之猶然彈丸從化也
會定戶籍公爲均賦役覈欺隱民情大暢治行彌邁當途議加銜
久任而公倦遊決計歸矣瞥然曰吾徒以老蠹魚無所試聊用其
未足耳何物五斗久恩乃翁乞休文押上挈家人還從候命于道
比得請行李已抵粵西境矣無何有趙府審理正之推公嘗語余
曰彼中有要人貽公書云長公茂齡不應久東山展幸致嚮往憲
副聞之不顧公亦不復爲憲副作報要人入國公遂左遷又以他
事波憲副夫以公練才實政業已拂衣而卒用劣格相加決非無

謂至憲副爲時所忌則年來不利浙人浙人錚錚者什九似別有他端不欲言也公旣歸稍治垣屋邑東門外家政井井巨細各有經紀癸丑始拜中憲大夫直隸揚州府知府誥歲時旦日舉案齊眉子若孫羅拜稱觴或時過憲副處歡飲竟日人望之如行仙夏仲公配鄭恭人不起公悒悒不自得及秋染脾疾醫罔功然猶屹屹危坐叱憲副輩不許眠湯藥曰而翁強善噉日者謂我不死何事以不必然撼我劇之頃憲副執手而化了無所芥公性孝友善事王父卽事如夫人何亦不減王母奉二人曲得歡心望男公頗嚴急顧于公無所不可洎沒毀瘠葬祭如禮每追及望男公受族黨侮涕涔涔下不止蓋終身慕也朱故烝嘗業如干族雄挾長據爲私公指天恢復血食以永宗祠再蕪再破橐以新之更僕僕身

董其役蠲俸二百金分爲祠墓常儲望男公兩弟俱絕其一僅有耶鄆姬子公憐逝者私逡巡擇後然斷斷立苗欲疏不少假借與仲公復齋析產取其饒者或讓有餘不竟析每食必聚首爲甘方秋試聞仲公病卽趨歸仲公被株誣公館禾城烈風中破怒濤回若將忘其身者蓋公家世素封而仲公更精師史邴氏之術里澆易忌非意之累不少余每見公竭蹶捍禦非獨館禾城時一節也宗人取徑文無害者若而人皆藉公資斧多折券棄責又嘗贍從妹之嫠而貧者二婚不能婚者兩人有慕九江死者族父行也漣帑鏹櫬不得歸助歸之更假所居室尸其主聽朝夕哭無所嫌故所善友人徐君某胡君某死不能殮取諸公若寄方君某兼置田給祀俸不爲若敖塾賓鄒君艱于嗣公有豐山勝穴贈窆其先竟

舉一子門人之父某負官布四百金代之輸遂安生周某貸不貸
今門人已貴周生亦宿責多年卒絕尺一往問大都公磊落任俠
人見其斤斤居室或疑公善取不知好賤人急往往善予乃若此
余舊聞先達宋大叅先生以其七尺邱與隣邑貧生構數年不解
至費士大夫百計調停甚有愛貧生餌陰誑宋先生者憲副謂公
時以青衿捐金二十周旋其間不令兩家知是與朱家翁伯奚辯
憲副則又泣而曰聞之叔氏先大夫往遊常山遇里人髻而孤者
哭甚哀以父溺故先大夫解衣衣之割束金贈之又作書語家人
優濟之弟仲亦云先大夫嘗舟次蓬萊有趙某附舟自傷不能養
親與俱還里出布粟可十金贈之去其他成美隱匿掩齒藥羸種
種氣誼尚不勝書總之所謂磊落任俠者近是史稱少伯三致千

金數分散與知交鄉黨萬石君躬行而郎中令孝特甚由今觀之
公復何多讓足不朽矣公生嘉靖乙巳年四月初三日巳時距諱
享年七十有六配鄭恭人諱先公百四十日別有狀丈夫子四長
卽憲副錦娶孝廉雁溪張公子宗溪公女封恭人次鉞邑廩生娶
銅陵尹鳴鶴姜公子庠生忠臺公女次饒邑庠生娶福建大叅成
吾翁公子復堂公女次銑側王出國子生娶漢陽府獄使康衢何
公女女二長適全椒尹封中憲桓樞史公孫可遠先恭人卒次適
曹州守咸川姜公子國子生大我公子故郡庠生成尹孫男十五
長泰淳國子生娶延平守哀菴聞公女咸淳娶廉州二守慈水濟
寰沈公女豫淳贅孝廉立波趙公女豐淳聘孝廉則齋吳公女漸
淳聘大冢宰陳恭介公子永昌守太始公女俱錦出堯淳娶歲貢

生贊字張公女綈淳娶揚州二守智峯孫公孫鎮東衛幕誠所公
女禹淳聘庠生玉書張公女臯淳聘庠生元度戴公女俱鉞出周
淳娶庠生鶴臯翁公女卽大叅公會孫女召淳娶國子生靜涵邵
公女雅淳娶余伯先少叅孫庠生茂洙女頌淳聘庠生貴我高公
女始淳未聘俱鏞出叅淳未聘銑出孫女大錦出者長適福建僉
憲傅野邵公子庠生維城後九年卒次適孝廉浣水黃公子庠生
河次適余次兒庠生茂涑次適延平守聞公子正覺銑出者適廣
信二守鴻遠毛公子庠生明經銑出者未字曾孫男六彬劬聘廣
西學憲雅存魯公子國子生自玉公女勸勛未聘泰淳出彬聲堯
淳出和角周淳出穉召淳出俱未聘曾孫女五泰淳出者長適孝
廉樸菴邵公子庠生毓英卽僉憲公孫次字庠生如度趙公子邦

鉉三四未字咸淳出者一未字憲副等將乞誌于巨匠余謹述其
槩以備裁擇

吏部郎中姻愚姪蔣一驄拜譔

明誥授中憲大夫贊治尹潁州兵備河南按察使司副使恕銘朱公行狀 大房十五世諱錦

嗟乎生死之數真萬不齊也余姻友朱文弢氏逾耆未幾碩儀勁幹豐稟疆噉居家節目具張更能以其暇丹鉛六籍討訂四聲時復爲經生家言神王甚也方望之再出大爲世用豈顧壽算哉前月中余折簡邀一夕話次豚來言外父以足瘡辭且云偶有僧能瘳之問瘳術如何則以精解剖對余愕謂市兒不能受一針痛我輩詎宜漫嘗趣勸止之僧固以必効請試亡何瘡甚引參過其數躁不可勝矚者莫得其底尚不虞有他也余往視會深居山樓不及晤但屬其長君必無再傷文弢以爲然僧復以危言持之或秘不使家人盡知至截筋瘡劇躁轉增僧遁竟罹大故傷哉數之變

乃至是乎文弢初諱正色改諱錦別號恕銘余字謂之曰文弢也文弢少讀書一日十行下多涉秦漢以上文字而尤酣韓公子齊仲父二書其爲文亦臭味弱冠補邑諸生逾年食餼又明年顯皇帝戊子時年二十六督學使溫陵紫溪蘇公錄科後復加彙試試五藝得文弢牘擊節以爲必霸果如其言再上春官爲壬辰第七人冠復所楊先生房楊先生海內宗工文弢遂與陳宮論孟常爭長壁經出尹金溪金溪江右巖邑也多巨室頗與邑令短長且善逋竅盜文弢嶄嶄三尺無所阿循而一劑之以平其責逋竅八限法公私便之治盜乃有神畧往往陰得其主名親入賊穴縛魁金爪精等十八人竟內戶夜弛櫬迄今士民尸祝之至詣卜趨避余門下士有令茲土者具言如此頃入西臺特爲疏薦蓋素所折心

不可強也然卒用矜法故有悠悠者僅遷留樞駕司主事陞員外
郎抗章停花木歲省金錢二十餘萬尋陞禮部精膳司郎中當事
議改考功以備典計文弢謂閱資已久何事復以操柄取忌固遜
謝遂不果甲辰知揚州府維揚天下衝貴遊如織故事饜餽皆齏
商代辦得太守尺刺以爲榮文弢一切裁罷不難破廉都會之地
樗蒲極熾草竊因而橫生特懸厲禁創其尤以示徙木桀棍斂手
當是時有要人燄可燎天鎮撫其上部僚莫不凜凜文弢獨奉職
無貶儀真橫少年張虎等浪相署號令某倉皇上狀以爲聚衆謀
非常且列其僞官名要人喜以見功將移師聲勦文弢度未遽然
挺身潛往盡收之果無賴酒徒耳遣數人而已喜功者色沮稅關
死檄文弢督某令籍其資文弢誠令獨往及籍十九輸帑迂要人

指幾不免其他新文廟祠水口振髦士急無告尤多善政秩滿遷
河南按察司副使備兵穎上益自刻勵多所建明會時情不利于
浙首垣某公固表表大君子與文弢同年友御史某疏齟首垣語
侵文弢遽拂衣蓋己酉歲也先是齏使者某公亦同年意不平于
要人從文弢跡其事文弢辭大要謂持斧使問臯當塗固當但屬
吏迹涉交構逡巡不敢遂見啣歸已兩年齏使者攻要人復波之
以疏人材者往往推轂主爵一再啓事竟復中尼夫某御史要人
客也既附文弢于首垣之林齏使者一不當意則又坐文弢爲要
人私爲文弢者將何居哉大都文弢長材異能可當八面質直之
性心如其口觸物或寡容而過則易消自其曾大父卽以積著起
家修業固自不薄宗黨之善息者率資其餘俸往來生殖而文弢

稍坐分其贏人遂意文弢所處不貲爭目攝之不知其折券棄責亦復不少今捐館室中殊無竒羨亦足見其槩矣夫貧貧而富富物態之恒也俗鄙者畏高明虐熒獨卽矯之藐視富貴耳其於貧賤安往不得哉或且悅不若己又從而姍之仇勝己者兢兢如不共也噫亦甚矣文敬孝友自性奉兩尊人羞甘御脆緝軟綴輕蔑不用其極初封中憲去爲學博屬文敬析諸箸弟裁授甚均而不以長自專及封中憲令清海歸出橐中裝并累世之積經營成業旣卽世文敬復體諸弟且不以嫡庶低昂所取什一二寧磽瘠也語及尊人未嘗不淚交頤季父有宣曲任氏風多外侮捍禦不遺餘力歿爲處分遺事致得其宜旣繕宗祠復立曾大父廟並不惜重費榱桷几筵之思甚篤夫文敬根本若此意氣才具若彼謂宜

身食遐報卽修短前定乃爲妄醫禿所誤豈不異哉文弢生嘉靖癸亥五月二十七日未時卒天啓丙寅四月二十三日巳時凡一週卦數生平著述有字學集要今古紆籌君臣當機錄四六類函千歲考行于世評點書禮藏于家考封中憲隣龍公以明經任從化尹妣封恭人鄭封中憲父爲望男公望男公父爲濟齋公所謂積著起家而文弢專祠祀之者也其先系出天長以宋秘書監扈從入浙由山陰白洋里徙虞再徙冠佩里至福榮公始卜築邑西龍山十世而及文弢元配張恭人孝廉雁溪張公子宗溪公女子五泰瀄候選正提舉娶延平太守聞公金和女咸瀄文弢存日命改名泌之娶蘇州二守慈水沈公祖述女皆張恭人出豫瀄娶巴陵縣令趙公冊禮女豐瀄娶高州別駕吳公煥章女皆側室關氏

出益瀆娶吏部尚書陳恭介公長公永昌太守啓端女側室鄧氏
出女四並出張恭人長適福建僉憲傅野邵公第五子庠生維城
次適樂平令黃公三策長子庠生河三適余仲兒庠生茂淶四適
庠生聞正覺卽延平公子延平公奄忽後文弢以其孤稚復以女
女之蓋高誼也孫男十五泰瀆出者彬劬娶雲南理問魯君之良
女廣西憲副魯公史孫女也彬勸娶庠生邵洪綱女邵生少司寇
梅塾公孫余姊子也彬勸聘孝廉張君存心女孝廉少司寇敬齋
公孫卽張恭人姪也彬勸聘孝廉費君而隱女彬勸訂孝廉袁君
大器女彬劬彬助彬勸未聘泌之出者彬球彬傑彬俶豫瀆出者
彬御彬鄴彬郢孫女八泰瀆出者四長適孝廉邵公爲棟子庠生
毓英卽僉憲公孫次適庠生趙君貞子邦鉉三字慈水庠生姚君

璫子某湖廣制臺益城公孫也四字山陰上舍王君思佑子某蓋
比部王公思任與文弢有宿好而以其猶子盟者泌之出者字庠
生蘇君元璞子某廣西憲副蘓公萬傑孫也次未字曾孫男一如
炳女二彬劬出一彬勸出一泰瀆等將卜吉塋葬于桐湖之麓而
泣請詮次其狀余兄事文弢有年有信于心者不敢以不文辭謹
撮大畧以俟立言鉅公哀而誌其隧

太常寺卿姻愚弟蔣一驄撰

亦林不悅其良觀大泰瀆等將卜吉塋葬于桐湖之麓而

其效車與以命出於一不爾其而極其說同自亦其書而宋公

長不封其交于未及幾歲蓋不嘗坐春風中一其出歸其文章

山陰縣志卷十四行狀

明勅授承德郎江西延平府通判毅銘朱公行狀

大房十五世諱

予不佞獲交于朱公毅銘蓋不啻坐春風中一月也讀其文章綜其政事旁及治生無一不向慕而私淑焉予固自忘其耄而朱公亦若不知其身躋八表茂哉茂哉庶幾夙夜隨地足當衛武吾兩人可相視而笑矣詎意朱公倏爾厭世驀貽祝予之痛五閱中陰而長孤手公行實乞狀于不佞予不勝驚忤諒予事公之久不敢謂知公不深顧惟管脫瀋枯力不足以起其文懼且辱公烏能輕綴一語乎乃長孤至孝天植逼欲揚親之美搏頽雪涕固以請而予亦泣哽不能固辭遂忘其鄙陋而爲之狀曰公諱鉞字文仗別號毅銘晚更號修來其先系具載家乘公爲隣龍先生仲子先生負才意不可一世卽長公恕銘公成進士不屑官其官卒自以歲

進士振鐸剖符其風節矯矯大率如此乃獨鍾愛公公之頭角早露飛兔龍文疇弗心儀而目攝前輩姜明岳先生識公於十歲時輒託以女孫而當時負盛名如方麓門先生戴平山先生咸羨佳壻佳兒爲兩家積慶公亦沾沾自喜如長源之翮仙曲江也隣龍先生私念此子當自教之卽延其外父中臺公督課并攜舅氏銘常就學師友切磋不讓杜林張竦無溺好無嫌稱暗中摸索巧若覆射正恨古人不見我耳弱冠補弟子員隨隣龍先生讀書西湖英髦四集公日游五都之市而構李王長生王去賢復屑瓊棖穀以相厭飫不更笑殺截無譽哉隣龍先生司訓睦州公亦隨往得與方書田汪歲星兩先生共晨夕相析疑義欣賞竒文自覺更上一層樓矣歲丙午督學李二溟先生案越拔冠多士而公亦不僅

以八越一人鳴其得意秋闈幾雋竟落孫山此後試輒高等公終
嘆焉庚申連丁內外艱以服闋而齒亦近艾矣自歎二十年來徒
糜縣官餼坐困場屋豈海門之巽不爲我歌鹿地耶或且觀光北
雍未必無所遇合其伯兄亦力爲勸駕遂以甲子歲承熹宗登極
恩入貢隨赴部考中府通判公卽不欲小就輒念往古巨儒名卿
多爲郎起家詎敢菲薄郡佐耶乃當事以挖年厄選幾格不行戊
辰抗疏自明乃得旨授閩之延平更遇思皇覃恩輒得貤封誠異
數也先是延守爲吾姚聞公哀庵多善政延人祀之至今公以轄
糧繼其後能革陋規延人懽頌遂并俎豆公於其間未幾移署建
之壽寧葺爾邑夙爲礦賊所踞嘉靖間始設縣治故以猺獠畜之
卽國課多逋亦弗能過督公下車廉得其情黜豢而狙弄祇見牛

車之雜選也尤喜作興人文其所錄前茅及道試十不失一有張
生廷琛受知於公以薦剡相丐公不敢顯拒之竊自念文章聲氣
固無庸赫褻作曹邱而張生竟爲督學何公首拔意得公力乃持
金爲公壽公則笑辭之曰歐蘇水乳非我作緣可謂故人知君君
不知故人也張生愕然拜謝益自感奮卒成名士他如禮高年教
以知敬復寃黜與以自新無弗尸祝公矣時值冊封琉球正使給
諫杜副使大行楊先往艤舟獨桅木未採頗艱其選聞公有廉幹
聲亟以相屬公捧檄愀然曰是能無斬邱木與能無盈苞苴與向
傳萬曆壬辰有夏弁任此得錢適足以葬吾寧狗覆軌且甘心子
孫乎遂懇辭再三而當事雅重公至以手札相慰藉公度不可辭
密訪至古田得巨材中程卽助許而付舟師無論他郡邑不知有

王事卽古田之草木亦莫不欣欣向榮公之造福固無量而所省官家費亦復不訾于是上臺心嘉其敏練遂以金花糧數十萬有奇委解都門公承命卽行壽寧人卧轅不能軹則焚香列幟以祖之遠近傳爲盛事行至中途得左遷報公心知典銓者憾前疏多抗直未逾期而中以考功非吾罪也夷然就道且曰古人起家爲郎遲遲以久不得調竟至廢其積著予今身輕似葉閒賦遂初所得糶哉寧復鄰所失耶亟入都了完糧事時監督戶工二部者爲大璫張憲卿見公上納皆原鞘絕弗假漁鱸鞞間豐然起敬倡言使任事盡若延平所謂不加賦而朝廷歲增金錢數百萬豈非實功實效耶因舉以風勵他省郡且深惜公望悞期旦日移揭吏部必得煎雪以爲勞臣廉吏勸而公則確有所見竟謝弗往亟令閩

胥回報竣役卽八閩諸當事亦惜公去故大計僅註調簡或稍償東隅殊不知公意不在此終不以小草易我穰槐竟掉頭不復顧蓋其長君早擅阿大中郎之譽且孝謹能養尊人志每厭雞肋溷乃公至是而適如所願并公亦忘敝屣痕矣公才實能併包凡所經制自是規模宏遠意思深長壯歲尤識趨時無怠家庭中自爲幽公賈黷其巧發奇中處不恡千金俾人走四方所獲遇當其人戒悉墜諸淵公絕無懟訕之色正不欲令老卒曝背沂王齒冷也然公生平實好行其德更喜人善適其意有強幹者片言中公權卽傾筐相付託其人卽相負終不悔其受欺豈非天性使然歟居恒視高兼天倫之樂閒緣仲子季婦早世遂病痰病疽卽以身付醫以家事付子靜卧蕭齋如入禪定蓋淡歲而祇陀不向外覓

也辛巳姜安人淹逝公則經營喪葬弗之有悔蓋悟去住因緣無處着相而夙疾爲之頓瘳更覺精神旺於平時公故善用老子治身法實收其效著酒色財氣四箴悉從體驗中得來雜置吾家擊壤集正復不辨卽公亦不自知其脗合矣乙酉丙戌厚蠲罄攫絕無愠詬每讀賀王參元書輒引滿一噉辛卯秋闈見兩孫藝戰拭目以觀奪燾之舞鼓其氣老其材公寧急於一當而第七孫復於是冬以童子冠軍則昔賢所云我不做二郎必做者以視諸孫不勝頌焉己公學有淵源少年工舉業晚乃博涉古文詞蘿石投縑子韶題柱公之脫畧俗諦似有宿根夢中親承華光接引頓然若寤遂依怙大悲月持六齋近復捧誦楞嚴幾能轉法華吾不知洪福中何從得公也公之嘉言懿行不勝述如長君所稱孝友嫻睦

慕義擇善一出於至性虛衷其他精心緯繡任力恩施直方而不劇包荒而非愿真實事也公自辛巳以來未嘗稍示微恙今春燈事頗盛公旣讌飲稱家慶更不廢親族往還予幸得追隨且有所商畧公爲我畫策定議周祥和易卽少年饒心計咸自愧弗如僅一二日不把晤第聞腹中作楚非大病也月杪酉申時忽傳公端坐化矣吉祥而逝人禱祀而弗能得公竟能無罣碍無恐怖撒手懸崖厭離諸趣豈徒洪福中人耶乃諸孤獨以未獲百身糜服而遙想七夕弗克乞天孫之錦綬我萊衣實抱痛負疚靡有終窮噫此孝子之心也於我公復何遺憾焉公生於萬曆甲戌年七月初七日卒於順治癸巳年正月三十日享年八十歲娶姜封安人先公卒子四長堯瀆邑增廣生娶江西撫州府教授贊宇張公女次

虞澹邑庠生娶刑部員外郎智峯孫公孫女鎮東衛幕誠所公女俱早世次禹澹禮部儒士早卒娶封兵部主事華泉張公孫女文學玉書公女次漢劄貢生娶廣西參政平山戴公子文學元度公女先卒女一適江西廣信府二守鴻遠毛公子庠生明經俱早卒孫男十二堯澹子六長彬聲邑庠生娶曹州守咸川姜公曾孫女文學孝生君女次秩猷邑庠生嗣虞澹娶文學大興徐君女次人琳邑庠生娶侍御永言陳公曾孫女衛慕禹益君女次彬毅聘太學瑞雲韓君女次彬毅霖歲俱未聘禹澹子一彬愈邑庠生娶刑部郎中淡源陸公子貢元霞嶼公次子文學景陟君女漢子五長彬傑邑庠生娶江陰縣少尹和宇蘓君女次彬儀娶右峯陳君女次彬位娶文學友生姜君女此與孝生皆文學太微公出太微與

公爲秦蘇之戚朱姜固五世疊姻也次彬儼彬儒幼未聘孫女五堯澹出者一早卒字光祿寺正卿承雲施公子文學簡如君次子庠生銘虞澹出者二長適余叔祖少司寇梅墩公曾孫文學支憐子增廣生進次堯澹育爲己女隨適施君銘禹澹出者一適文學長孺孫君子天生漢出者一適余叔祖贈高郵州守東魯公孫文學君聞子庠生華曾孫十彬聲出者丙綱彬傑出者丙仁丙忠彬儀出者丙禮丙孝彬愈出者丙廉秩猷出者丙貞彬位出者丙義丙智人琳出者丙綸俱幼未聘姜安人葬聚粒山蓋有年矣茲卜初夏之吉將啓窀穸而以公合焉謹狀其行如左俟鉅公銘誌用垂不朽不佞旣髦且藉此文其鄙陋矣邵元凱撰

垂不昧不赴鴻舉且其淵淵矣嗚呼職時
 丙夏或古評習辭交清及公合滿籍然其
 丙醫人樞山清丙餘斯收未理美安人獲
 嶺山寺丙醫丙事淋愈出清丙瓶煉煇出
 學梅田壬事坐華會嶺十淋推田清丙融
 具蘇蘇蘇千天土越川青一盤余時師制
 午櫻齋坐無水讀高真益日火制融蘇蘇
 舉坐餘莫出青二員數余時融少同融融
 舉當出青十早李守次輝寺至融融融融
 公融蔡融之融未發融五州登融融融融融

明誥封中憲大夫直隸揚州府知府原任廣東從化縣知縣趙府

審理正隣龍朱公暨配封恭人鄭太恭人墓誌

大房十四世諱
字道

昔年隣龍公以卜兆故與憲寵上下山坂濟勝之具不減壯齡時

春秋已七十而鄭太恭人且與偕老髮垂垂相得益驩庭戶復森

然玉立余甚艷其家慶云泰昌元年冬其長君憲副恕銘奉兩狀

請余銘余始知隣龍公與鄭太恭人相繼而歿也悲哉同籍中恕

銘誠暱我余又何辭於不文公諱宇道字性之以感龍夢而孕別

號隣龍朱自福榮公凡三徙始卜居勾餘六傳至濟齋公積德累

行然羞稱烏倮而自饒于貲望男乃其冢子即公考也配周淑人

生公有異才弱冠登壇莫不辟易隨食餼庚午幾入穀而竟坐數

奇壬寅歲薦余時為儀郎勸慰公曰青瓊先生顧不重耶而慎無

衡命爲因勉就遂安博薪標諸士哀然鵲起者繩繩不絕歷五載遷從化尹公不以彈丸薄之而副以全力循聲藉甚于是當事者以連州山獠爲梗屬公緝之公部署方畧而願聽招撫者輒開一面迺不煩寸鏃獠衆旋定上官益才公移署順德調劑賦役民厚德之議者欲加公銜而公雅志適上力請返初服卽治嚴行得請時已脫屣于五羊之境矣先是炎途有遺書于公者以憲副休沐欲公強之脂轄思因以爲利公弗答其人遂領之入京卽遷公爲趙府審理而憲副之被議亦因此公與太恭人嘆曰古箴警悟以脫人之陷我吾之歸休殆幾已遂卜築郊外不問世浮沉曾元繞膝日與太恭人齊眉舉案而奈之何恭人之先逝也公便忽忽不樂脾病日侵誠弗進圭七第曰寄也歸也固一轍耳迺考終正寢

公內行孝友善事望男公終喪哀毀當仔肩公家事族豪以祭產鬻人者三公捐貲三贖之痛季叔蚤世僅遺弱女公憐而卵翼務貽以安仲叔有女亦復周卹備至獨所取他人子爲己子則又以易羸易馬爲懼攢弗弟伯仲析產取棄餘弗校也仲中忌者坐危公挺身拯援而出之水火族有卒于江州者公爲歸其櫬卽假以私居朝夕哭臨無所嫌避尤雅尚節俠急義好施知交之待而舉火待而婚待而殮含者蓋更僕未易數也鄉大夫有爲尺寸地構難隣壤者數載公嘿爲捐金以解其紛而終不令兩家知者其陰行善又何如也至其見義感奮百折不回里有宵小挾禁方以遊長安將授太醫爲重里紳業已聽之時公謁選獨毅然執不許曰猴而冠網紀之謂何其人色沮迺中止公之剛正有執此余所目

擊而心折者敢附以傳信鄭恭人系出著姓父緒中公以潛德重于鄉恭人笄而歸公舅性嚴急姑周淑人則壺政端肅恭人事之無不得懽心者中外具稱孝謹云公固才高戶屢常滿恭人爲治具咄嗟而辦有鷄鳴風公之得以力學積文者實恭人佐之也比公令從化廉聲振粵及偵其齋廚匏尊蔬食絕無長物恭人以下俱衣不曳地則公之得以立節砥行者實恭人成之也式穀諸子務繩以禮季子迺側出恭人視如己育初季難嗣深爲憂之已舉子則大喜至爲籲天以祈長生公之得以宜子而室者恭人安之也公義在急公贖鬻產以永烝嘗恭人虞子姓有後言貽富者不安諄諄引范之義田鄭之義門爲訓公之得以畢志嗜義者又恭人全之也迨溯及憲副督船事尤列傳所罕覩者時中官怙寵履

稱家報奉有明旨運花木三百種部署者懼以抗命獲譴憲副獨難之退告恭人恭人笑曰試思之寧有明旨而私附家報者乎事君有違而道者若一意守官無心動已疏請朝廷切責中官尋報罷事聞耿中丞爲之攝衣焉憲副之鼎望鴻名恭人亦與爲力多矣吾聞樂羊子得妻而遺不拾儁不疑得母而廷稱平恭人兼之烈哉徽音可以不朽矣

太僕寺卿年愚姪劉憲寵拜譔

明勅授文林郎山東濟南府齊河縣知縣南華朱公墓誌銘二房

十四世諱有光

公諱有光字世明號南華幼時敏穎絕人嚮學甚篤亦以雙泉公
倜儻長者喜延師友不肅而成總角卽借憲副公暨其叔孝廉正
同館切劘聲籍籍起人稱朱氏三鳳云後補邑庠弟子改入南雍
甲午一試卽捷焉屢上春官不第所知勸之遂拔牒爲令得濟南
齊河齊民多詐且橫公至加意振刷擇一二尤無賴者撲治之俗
化以淳歲不登濟東州邑饑相望也上官屬公賑之公單車巡歷
凡七日事竣民大頌德焉徵收故有羨入公令民自封納秋毫靡
所溜其他惠蹟如捐俸以建奎樓易舟以便橋渡不可盡述公體
素羸以居官過瘁遂疾作具文乞休時中丞溫陵黃公直指河間

馮公咸器重公方交章颺之見公文嘖喏不忍下檄監司郡守吏
改議病痊改教爲破格題請奉

俞旨得歸蓋上官憐公材冀其復用而不虞天之遽奪公也聞公

初試禮部夢將寤恍有呼者曰齊河齊河今以齊河令終蓋若有

讖兆焉公生有至性初雙泉公以法起家獨心慕儒公承其意益

發憤事嫡母舒生母何孝謹無以異舒沒時公年甫十三哀毀骨

立夜臥夢人引手撫其腹曰兒幸自愛莫凍否手竒冷覺而知爲

舒聲也驚泣至曙何以歲癸卯亡公北上至武林忽心動曰必吾

母有故竟歸歸而易簀一日矣猶得視舍殮周身之具皆有孝感

云其待人寧過於厚賙人之急不問囊篋卽數見欺給不顧嘗他

適有人瞰公之私挈而去之者公置不問其人謂公不知仍相往

來待之自若計偕居京邸置一姬後憐其父母戀戀厚貲歸之其
盛德皆如此類而余所最契公者遇事慷慨與人言剴直無隱杯
酒談笑肝胆盡見而爽霽之色可挹四方知交皆從邂逅爲莫逆
非直不佞弟也弟幸與公同籍相得甚歡以公蹇一第殊怏怏既
仕爲名邑二年之間九列薦剡謂臺省侍從以豎不朽直須時耳
而竟以病歿何忍銘公墓哉雖然弟自謂習公非余銘公誰當銘
者銘曰倬彼朱公浙之偉余與同籍欽厥美意氣慷慨直如矢杯
酒談笑徹中裏生有至性俗所砥其他質行俱可紀宦居齊邑號
難理並用恩威善張弛列邑巡行菜色起古有召父公足擬頌聲
洋洋上
天子移疾歸來卧環軛有奇未伸逝何駛千秋魂魄此焉止山峨

峨兮水瀾瀾余言與公並不毀
賜進士及第禮部侍郎正使朝鮮
賜一品服年愚弟金陵朱之蕃拜譔
明例贈修職郎龍巖朱公墓銘二房十四世諱廷機
天倫天樂古貌古心配慶齊眉而彰媛德齡逾九九而任先真鄉
邦頌淑姻婭歌滄旣正寢而栩栩仙逝亦含怡而永永窀穸

廣西學政魯史譔

清例封中憲大夫雲南大理府知府前鴻臚寺少卿巽銘朱公暨配例封恭人翁恭人墓誌銘 大房十五世諱鐵

巽銘朱公既卒且葬之七年而恭人翁氏復卒明年諸子相率舉其柩合於公兆焉諸子中召澹雅澹與予交善而雅澹又同予鄉薦者一日雪衣長跼操所爲行述而請曰嗟哉不孝之無以子也而俛先人相繼見背無以康地下則實賴子之一言予重二子請且習公不辭而爲之志曰公諱鐵字文葆巽銘其別號父隣龍先生厯官從化令子四長恕銘公錦最先成進士而公行第六少負才力學矯矯有聲顧數困未展公益自奮迨晚以貢入成均困如故例授京職乃始慨然爲諸子築別墅延師誡之曰孺子不念而父之未克成先志耶於是訓以義方日夕課藝惟厯諸子肅受教

則遂有若二子之連翩鄉薦焉嗣是而發祥顯名當未有艾公奉親孝每侍寢膳必莊必慎曲意承旨一遇寢疾卽呼天哀籲求以身代肅誠盡養終身孺慕而臆臘將高逮老有王修江泌之聲且兄弟式好不愧二難琴瑟永和可稱宜樂恕銘公既備兵鄖陽歸未幾以疾逝公卹其孤畧徧而與仲毅銘公鉞季敬簡公銑游也雖異居有同被之歡至相與區畫則又有極規繩切劘之義謂之友無若公友者邑中死喪之戚與族有六禮未舉每聞輒委曲周致令咸獲如願而於母鄭恭人及恭人黨或存其將絕之祀或給乏者資使無失餘生綢繆益加至焉居恒持家練達有經器使籌畫盡善其懿行固不可勝紀諸如排難解紛掩骼施棺輕財利濟睦族和里自非性生樂善固未易有此至與家人語必依於忠孝

信義雖倉遽無易辭其疾惡惡佞之風則又不減伯厚而性又不喜近華侈過溢之事履富盛泊如也誠當代所罕覩者公生平所讀書卽未見諸施行而其立身嶄然不謬于聖賢之指有若此者恭人大叅成吾公子復堂女少失母事後母黃以孝聞旣歸巽銘公方下帷諸生恭人夙夜以操作佐之上得尊章之心而下和娣姒敬慎自牧一以真意周旋其逮下之仁至比於樛木云當歲庚申巽銘公兩遘先人喪哀毀中目矐矣恭人用婦代子亟襄事以解慰公公目幸無矐而益治舉子業丁卯遂幾捷成均人皆歸恭人力推爲鍾郝云諸子之業別墅時公督之嚴恭人亦復囊橐餉遺俸諸子益專心奮勵則又潛使使非得當無來前諸子至今泣相告吾母氏之教猶吾先子何能忘蓋恭人居恒訓子若婦一以

書史大義更以相示範相夫子習勞勤儉恪恭祀事撫育孤幼賙給親族無偏好無私己守先啓後凜凜無敢失墜其積漸然矣公旣歿恭人猶日取耕紉之務以自飭諸子或難之曰不聞公父文伯之母乎卒凜凜如平時好浮屠家言而卒不惑於世俗師巫之說其定力尤足多焉夫以巽銘公負才不得志而得於其子其行事又一本於孝友敦睦雖嚴氣正性立於過峻而於以風世則甚鮮矣恭人又以善事親者匡夫而訓後勞苦節儉終其身嗚呼可志也夫公生於萬曆癸未九月二十四日亥時卒於順治丁亥五月初四日卯時享年六十有五恭人生於萬曆癸未正月十三日未時卒於順治癸巳十一月二十五日辰時享年七十有一子五長周澹太學生娶文學鄉賓鶴皋翁公女卽恭人姪女也次召瀟

己卯舉人娶贈按察使司僉事東魯邵公子太學生靜涵公女次
雅瀆壬午舉人娶湖廣布政使司叅議雲龍蔣公孫文學射的公
女次頌瀆邑廩生娶文學貴我高公女次吉瀆郡庠生娶吏科掌
印都給事中廉崖陳公女孫十六和角娶布政使司左布政龍望
鄒公孫文學公亮公女程娶文學明仲楊公女俱周瀆出和箕娶
福建連江尹廣宇宋公子孝廉越公女和奎訂太學生碩膚孫公
女早殤今娶湖廣黃陂令封太常寺卿襟海邵公子司理錫之公
女和畢幼未訂俱召瀆出標邑廩生娶文學晉思俞公女棧娶監
察御史贈太僕寺卿忠端黃公子職方主事太冲公女和婁未訂
俱雅瀆出穗邑庠生娶太常寺卿頌平蔣公子文學次公公女穗
娶文學淡人包公女穰穆幼未訂俱頌瀆出和昂聘邑廩生荆來

茅公女和參聘孝廉象直項公女和星和翼和軫幼未訂俱吉瀆
出孫女六周瀆出者一適布政使司參議青蓮胡公子升之公子
其禎召瀆出者二長適孝廉象宜邵公子郡庠生之時次字太學
生和字章公子文正雅瀆出者二吉瀆出者一俱幼未字曾孫十
八煜炳燿和角出燁燦灼穗出焜煌燠標出燦煊耿和箕出燠程
出燦輝棧出焯穗出煥煬和奎出曾孫女四和角出者二標出者
一棧出者一俱幼未字諸子擇是歲嘉平之吉合葬於鳳凰山予
視姚人得於其邑之大夫士若朱公之賢者爲益信旣不辭志復
系之銘銘曰維茲之藏集於鳳凰維大名是光維潛德是彰而後
而昌而用於王

知餘姚縣事年愚姪胥庭清拜撰

清廣西按察使麗江朱公神道碑二房十九世諱爾漢

公諱爾漢字麗江姓朱氏先世自鄞遷餘姚曾祖名進祖大彬不仕父健遷大典官絳州吏目大彬健皆

贈通議大夫前母林氏母熊氏皆

贈淑人公神明英挺動有識斷能得人死力奴客悉以兵法部之自初入仕卽在行間後遂與教匪相終始少時吏於戶部以吏目分發甘肅署甯夏典史再署岷州吏目被議輸貲復官借補靖遠典史赴衛藏迎班禪額爾德尼入朝道聞熊太淑人之喪去官服闋赴甘肅候補時平涼鹽茶廳回豪田五作亂公與通判吳君廷芳知縣黃君家駒守靖遠城賊仰攻一日引去靖遠回豪哈得成等一百三十八人期夜半爲內應公鈎得賊情令守者悉登無驗

不得上下漏初下乘馬至哈得成之門陽科其穀餉軍因拘焉所分遣捕賊人亦誘擒城下餘賊城上人無知者而賊雜守者在城上且數十人縣胥鐵光保最爲劇賊公登城給使獻刀卽反接以布祿其口直掖下城令鳴角捕賊人聞角聲皆拍賊肩曰視地賊俯則爽而反接之無脫者夜將半城外賊復引向城公呼語之復引去於是公以知兵聞升署隆德縣事諭底店據砦降回徙之補隆德縣知縣升直隸涇州知州預擒教匪頭目劉松并其孥升鞏昌府知府嘉慶元年教匪起陝西白河湖北當陽亦起二年賊大入四川總統宜綿公駐達州檄公參軍事是時賊渠王三槐拒總統於方山坪白巖山者極險固賊渠林亮工樊人傑屯山上與方山坪爲聲援將軍舒亮公提督穆克登布公屯山前之韓彭坳公

將成都兵三百募兵三千屯山後之排亞口排亞口之北曰金鳳
觀曰草店曰鴨坪公一日盡攻克之復進有木柵當隘不見賊唯
一犬號號然我兵有躍而攀柵者賊乃自崖旁引刀斷其指我兵
擲火焚柵賊鳴鑼擊所樹旗左右招賊賊大至公慮斷後路退師
時九月九日也先是與韓彭坳爲師期而韓彭坳之師中道而餒
賊得專力山後我兵不能克十月奉節賊千餘人援白巖公敗之
擒賊渠邛廣福十一月白巖賊久困欲走領巢來犯戰一晝夜不
得路仍退至屯公以親博戰創甚回鞏昌道遇河州總兵保興公
曰君文官乃能爾吾輩當何如後保興公與王三槐戰於三滙遂
死事三年公運麥十萬石餉軍行至成縣賊渠高均德將衆七千
窺麥公與涇州知州沈君清都司馬君良棟敗賊於格樓霸生擒

賊軍師李得勝四年賊渠張漢潮犯秦州公赴成縣會勦而鞏昌
警至馳還賊已據城東駕鴛河公夜掠賊卡至城守始固賊不敢
攻以功升鞏秦階道生番鐵布者世居西傾山中凡十餘萬人乘
教匪猖獗時出盜內地主兵內怖四川教匪謀留軍勦鐵布公以
鐵布未叛亂且地險一搆兵非數年不平鐵布奉回教公召其阿
渾諭曰鐵布非反者然爲惡不已且移軍至奈何其不爲惡知盜
踪者速來首於是來首者踵至公一日出姓名紙一曰此鐵布盜
也復出圖紙一曰盜巢及出沒要隘盡於此分遣一百數十人捕
之其來首者助之縛悉就擒鐵布乃定六年陝西湖北四川教匪
捕斬畧盡餘賊多竄甘肅公將千六百人遮尾之前後數十戰而
西河砦東溝腦南家渠卷洞溝硝厓廠睡佛洞諸戰皆大勝生擒

其渠八年甘肅教匪平上功狀第一賜花翎公用兵常分數隊迭前迭後賊不知衆寡隊各就地勢結陣槍箭不妄發賊近在三十步始發之賊陣動則追殺不動結陣而待賊攻則彼此互援常以此獲勝其助戰者鄉勇侯達海侍衛李榮華武舉劉養鵬千總銜鄒坤桂攀桂皆操刺健兒也旋調肇羅道升廣西按察使署布政使十二年三月十八日卒於按察使任年六十有三配江淑人子長浩江西候補知府次沆浙江候補運判女長適天津知縣黃德棻次適陝西候補縣丞陸淮公葬於通州里之祖塋銘曰

瘡痍目馴貔虎帳合千旌城堅萬杵
皇帝眷功以擢以褒貂蟬之
錫出於兜鍪善於始終無有瑕尤子子孫孫蒙
國之庥

惲日初撰

清誥贈資政大夫內閣學士兼禮部侍郎銜加一級海甯州學正
餘姚朱公墓誌銘 大房二十一世諱文治

今上咸豐二年祀明堂推恩羣臣內閣學士兼禮部侍郎銜朱君
得以其父故海甯學博晉資政大夫十一月乞假養母瀕行持尊
公行狀來請銘慶鏞不能文何足導揚盛美然以閣部之請益力
弗敢辭且知其家學淵源所由來者遠謹按狀而次之叙曰公諱
文治字詩南號少僊家餘姚其先系出南陽漢尚書僕射暉之後
宋初明州錄事參軍瑞由瑯琊徙鄞至熙寧間兵部尚書廷碧始
遷姚故今爲餘姚人累傳忠孝其最著者曰德辰曰端祀鄉賢祠
清興有割肱救父者諱昂公高祖也數姚江四達者諱承勳公會
祖也煑粥拒貧者諱玉堂公祖也割臂療母者諱金鐸公考也自

祖以下皆以公之子貴贈如階公登乾隆戊申科舉人以詩名噪
浙東爲錢竹汀大昕盧抱經文弨邵二雲晉涵三經師所賞拔入
都復與吳穀人錫麒張船山問陶劉芙初嗣綰宋犮山世犖數君
子聯詩社一時稱盛四上春官不第辟縣尹不就出補海甯州學
正值水溢奉檄辦賑硤石灾黎無失所州號文藪公至倡修學宮
前後殿廡及尊經閣成濬泮池甃石自是而風益振焉嘉慶丁卯
秋大比浙省雨甚士子入闈蹂躪受傷計無如何公啓黠次之法
大吏矐之卒如公言無恙从之以最上 旨俞甲戌秋早有無
賴子數千嘯聚袁花鎮公聞請按治境以安復以最上報如前
旨在官十九年與諸士唱和甚夥引疾去士思之勒宦蹟於石
歸訂詩於繞竹山房訂文於鐵簫樓子旣貴益散儒素不狃於浮

夸之習不涉於外事之交然至濟人所在則憇思先之道光壬辰浙西歲歉請郡守開常平倉活者無算癸卯重游泮水人謂公之積厚而光其自得者壽考見於身其有餘者德澤見於後故其年至於八十矍鑠如常而有子能大其門如是性篤宗系奉本支二十世至祔祭於家名曰追遠輯宗譜以聯子姓其族有窮嫠無告者爲置產以祀初公有姑嫁於沈而寡依家母食公生五歲失恃賴撫之及終喪之如母復以節孝聞於朝蓋其純孝所推自高曾以來未之有改也卒年八十有六道光乙巳二月七日也娶陳夫人同邑諱兆梅女繼娶陸夫人平湖庠生諱璋女子二森嘉慶己卯科舉人貤贈詹事府少詹事加三級先公卒蘭道光己丑科一甲第三名進士翰林院編修廣東正考官湖北學政累官內閣

學士兼禮部侍郎銜皆陳出女六適貢生姜懋運丁未科進士吳應寬者陳出也適庠生毛賢鎬庠生方來候選布政司理問葉元聖乙未科舉人范多銑者陸出也公葬桐岳湖之阡將納諸石以爲誌禮宜銘銘曰

有以充其性克遐者壽有以善其家克昌者後其爲詩出入於杜韓之室而莫能出其右宜乎 綸音疊賁載錫之光丕承祖德長發其祥後之來者見若斧見若坊見若堂願敬式斯珉之所藏賜進士出身

誥授朝議大夫掌陝西道監察御史愚姪陳慶鏞頓首拜撰

海甯州學正少僊公宦蹟碑

公名文治號少仙餘姚名孝廉也大挑一等辭縣令就廣文嘉慶
癸亥來官我州十有八年屢膺大府薦將擢爲宰引疾去初學宮
久不葺明倫堂爲行禮所有覆壓虞尊經閣聖像幾露處崇聖祠
則將爲墟泮水亦爲居民所溷腐穢不可近公至慨然曰職在於
是咎將安辭卽捐俸興工一時僚友紳士見公義舉咸踴躍輸助
公獨任其勞露者蓋之傾者植之朽敗者更之黝堊之丹漆之祠
不可修撤而剏之水則蠲之濬之環石闌以障之凡七閱月而成
墾舍旁隙地爲小圃蒔韭瓜壺取給焉尊經閣下葺一室與諸同
人歌詠其間公多識量敦氣誼接士和而有禮揚人之善樂道不
置口過則勸誠之甚者義形於色自奉至約日用不啻寒素嘗謂

諸生曰儒者立身莫先乎儉儉則易給無求於人夫而後有所不爲可以有爲謀身在此節性防淫亦在此於戲信如斯言處則爲良士出則爲名臣古君子淡泊甯靜豈有他道哉公之卓然自立與夫所以端士習者可謂得其要矣公旣勤於職上官知其賢恒任以事且諮訪焉乙丑饑中丞阮公委監糶於硤石之惠力寺公請於州牧取胥徒之壯者十二人以行及開厰貧民乞糶潮湧來無賴乘機攫奪庭中大擾老羸起踣躄藉藉驚號動地公亟呼壯夫排牆倒衆四散走得無恙而禽獲物者懲以法由是肅然是役也非公慮事之周應變之捷則呼吸間傷人多矣越丁卯鄉試唱名時雨甚諸生擁大門下相蹂躪斃者二傷者無算蓋科場擁擠爲害不獨遇雨然也次年戊辰中丞阮公監於前事詢公公以五

條進謂故事五鼓啓門暗中易嘈雜宜黎明教職官生先入攜具以從者衆喧擾由之宜居殿諸生恐後期往往越次先進有越府而進者宜貢院前立竿懸燈大書點某府俾望而知之有越序而進者宜令各學教官率荷牌人立懸燈下引舉子隨牌魚貫入杭俗赴試父子親戚羣送之擠尤甚宜坐大員柵門內彈壓送考者使不得入中丞用其議至今賴之杭郡地勢最高其水道東北達海甯州城曰上河與下河接壤處隔以堰閘河身高下數十丈蓄之不時水輒涸故旱患尤烈時議者欲盡洩水而後濬公乃陳水利七條於前郡守吳公一曰濬河必深爲蓄水也一曰築岸宜高岸高則河自深卽取河淤以填岸至便也一曰濬必以漸逐段築土界水以次挑濬則水仍不洩不然全河盡涸一時水不可得滯

販糴妨民用也一日勘葺堰閘慮水暴漲或崩潰也一日河最淺處宜先濬一日岸最低處宜先築施工有緩急也一日禁止螺壳蓋河旁多魚蕩養青魚者飼以螺其壳傾河中致壅遏也狀上當事皆臆之公前已卓異久至是大府復以品端學裕通達吏治薦於朝將爲宰公適以微疾乞歸於道光元年秋謝職還山士民送者多泣下嗟乎公昔辭縣令來今將遷縣令解組去豈經濟如公而猶斯之未信歟抑公性嗜恬淡更欲嘯傲林泉著名山不朽之業也公嘉言懿行不勝書要其卓卓數大端厥功甚偉同人恐久而就湮屬余爲記仁和徐君適至素與公善書之刻諸石道光元年前處州府教授州人張駿譔

仁和縣學生徐鏞書

漢文季公贊

德在人心澤在人口撫字心勤賢哉良守直節不阿千古未有補闕公家令名不朽

魏徵拜題

唐玉公贊

威儀濟楚器宇安寧譽延湖海名重朝廷

文天祥題

宋美甫公贊

遷姚始祖諱廷碧

文武之才聖賢之學威鎮華夷名齊岱嶽

崧題

宋永平公贊 一世諱正泰

惟公懋德四維是守風竝一綸節借五柳永言必孝因心則友賁於邱園得乾初九樂善不倦謙而不有克昌厥後昭茲令德之久

宋端二公贊 二世

偉哉始祖創造於前開基立業龍山之原庇庥子姓百世相傳永垂廟享億萬斯年

明養和公贊 二房十世諱銓

公諱銓字文衡號養和莊敬持躬勤敏集事尊師課子俛朝夕有詩書之習長幼多雍穆之風且樂善好施傾產濟世有子六人振起箕裘公之第四子璽忝予東床以故習知公之行誼積厚而流光其鹿門之隱歟栗里之放與

賜進士第承德郎禮部主事姻弟錢珍撰

公諱銓字文衡號養和莊敬持躬勤敏集事尊師課子俛朝夕有詩書之習長幼多雍穆之風且樂善好施傾產濟世有子六人振起箕裘公之第四子璽忝予東床以故習知公之行誼積厚而流光其鹿門之隱歟栗里之放與

勅授承德郎江西延平府通判毅銘朱公贊

大房十五世諱鉞

贊曰識過人則有餘閒量過人則有餘適雖屬天性而學問孝友之力居多焉彼以才魄籠人猥巧弋獲者沾沾自矜一臨逆境不覺遽皇况乎疾痛死生之際展轉悲戀醜態畢呈以視公彌留坦豁神識不擾果何如哉予習知之非阿好者竊謂行誼若公乃謂真人品真理學真解脫信而有徵足垂不朽矣

錢養民撰

明勅封修職郎監紀司李五昌朱公贊
二房十五世諱京翰
悠悠古道我心孔懷公有懿德邁於同儕博洽典林端立心齋雖老一榜令聞克諧植節不回轟若蒼崖嗟今之人曾莫古處公儀棣棣雲翔霞舉而罔自矜式型後裔爰多令嗣樂爾燕胥詒穀庭闈聿昭來許今茲蘭桂各振家聲而公三子司李從征詔擢樞屬覃恩先生拜

天子惠公身錦榮豈弟受祉煌煌顯名

翰林院侍讀馬晉允撰

餘姚縣志卷十四 像贊
盛恭器宇磊落博學文獻於天於地然精守於交際閑暇對
即陳野對淵源淵源同李炳茂公贊

明勅授修職郎監紀司李殿芳公像贊 二房十六世諱長慶
 溫恭器宇磊落襟期孝友植於天性然諾孚於交知閱覽窮搜典
 籍著作富有文辭荷殊恩而榮膺一命頌明允而譽美士師雖偉
 畧之早為世用而才得所展奈時事之多與願違而數遇其奇迨
 優游乎泉石仍養志於庭幃孺慕深而洗腆致謹宗功篤而獻高
 惟時方歸隱以冥鴻遽超凡而騎箕吾恨不及接渠範於當日而
 僅從伯牙琴絃子長史筆想像公之海嶽丰姿何意數十年後幸
 一披圖瞻拜復得覩漢官之威儀

姪孫衣客拜撰

清冽授修職郎候選縣丞鄴侯朱公配項孺人像贊 大房十七世諱和衷
 南陽世胄白雀家風德為人望秩限半通締姻橐允梁孟徽同胡
 天不祚似續其空爰育三女鄒郃施許邵有三珠鄒獨承緒暉也
 不才亦克為侶念葉自出敢忘會舉早諏厥嗣或天且悴終藉孫
 枝如種再蒔庶用掃墓克共祀事敬綴片言慈容仰企

廣西上思州知州外孫施毓暉拜題

與西土風俗異於...
 對以蘇再...
 不本亦...
 天不...
 南...
 前...

族叔畏齋公暨配潘孺人像贊

大房二十世諱文熙

於維吾叔孝友性成自幼失怙事母真誠生有兩兄一則早世撫
 孤如子人爲生計至於敬祖吾族首推執事周密盡力輕財祠宇
 殘缺維叔葺之松楸種植維叔率之宗族有隙叔也解之鄰里爭
 訟叔也罷之龍山左右敬之如神笑語和悅藹然生春外內如一
 修身齊家孟光舉案靜穆無譁喜菑雙玉長種書田采芹采藻正
 及英年次亦幹才涉世通達善於治生胸次軒豁遵叔之教子孫
 繩繩天之報德代有明徵姪文治拜撰

山輝族叔祖像贊

大房二十世諱棟

系出風山人誇富貴富貴何常心存祇畏念昔先人德澤攸暨世
系匪遙互相紹衣惟我族祖少孤歔歔善事萱堂孝友克慰累
世箕裘一心經緯比庚申歲九老聚彙歲踰古稀頌非無謂戎馬
忽來莫判涇渭危若山摧焚如鼎沸喘定思痛問無恙未幸叨宗
祐餘生許氣別五六載凋傷衆卉宦海抽帆請命方既我翁圖一
晤遽遭聞諱感念梓桑無棄封菲瞻拜音容猶存生氣再姪蘭敬
題

明庠生慎齋朱公配徐孺人節孝傳

老三房十世諱文魁

朱母徐氏者余姪桂之外姑也幼嫻閨範每令人重譚孝節嘖嘖
歎賞哂之曰是分內耳何足誇以故素有丈夫之名年十六歸龍
山朱氏父厚裝送之見夫貧衿無所辦因悉市其物隆奉舅姑適
口體伺意志靡弗至也居歲餘舉一女又兩歲生一男其夫卽卒
於是歲慟泣絕而更甦母家勸之改適竟投江中救起後御一擁
腫婢守閤內坐卧不離言笑不苟惟是績絰刺繡以爲朝夕之需
歲值凶歉母口不厭糟糠而舅姑甘旨如故終舅姑之世四十餘
年奉養無一日殺也至送死哀戚盡禮高祀豐潔宗黨以是服其
賢能其課子也常曰讀書不期功名當效古人心事勿貽忝汝祖
父可也一日其子遊學反賭母病伶仃無倚遂改業商無幾而其

子病故遺四孫母復撫之成人俱與之室能自立皆賴奩資之剩與女紅之所出也其女妻予姪亦能以母教訓其子母之所賜豈朱顯承之哉自予姪以下咸嘉不替而於孝節爲益光矣邑中賢老欲表之執政者母正色拒之曰婦事舅姑特其常也且吾舅姑有少子婦彰吾之孝不形彼之不孝乎吾夫不幸早世而吾寡如此倘賴先靈而得全而歿庶可見吾夫於地下耳而又因以爲名吾何忍之諸賢老遂赧然無詞而止不特其德茂其行堅更識見超出尋常萬萬者時母七秩會予廣東歸爲文以壽迨其終九十六歲予陳詞以奠未及盡狀復爲之傳示其孫曰世世子孫志不泯也

賜進士出身亞中大夫廣東布政司使前吏科都給事管見拜謨

明北龍朱公配柳孺人節孝傳

老三房十一世諱論

太君年二十一寡居遺二孤長三齡次甫週撫育六十餘年壽八十有六在當年熒熒孤寡耳孰知迄於今子姓繩繩節行賢達不可勝數此孰非太君之所遺也哉余嘗謂物之食常氣以生者直視其物之本質而知其奇恒耳至於玉則望璞而別焉金則探鑛而識焉砂則按其牀而定焉故至寶奇英視其子孫必視其母其在於人聃之產鶩子之懷異於人此猶曰別流也其在於吾聖哲稷之拇契之卵異於人惟吾太君之於令子孫是美玉也良金也芙渠之砂也其於人也稷也契也其兼二氏之教而雄長之也聃也鶩子也其於母借言之聃之元鳥鶩子之舍利正言之謂非稷之姜嫄契之簡狄不可矣夫人莫難於垂名尤莫難於天之所獨

厚而名與厚於婦人爲尤難太君亦可以無憾矣
賜進士出身亞中大夫廣東布政司使前吏科都給事管見拜讓

其樂之也其然人出賦也其然二丑之也而賦長之也

對之賦也其然人出賦也其然二丑之也而賦長之也

其然人出賦也其然二丑之也而賦長之也

其然人出賦也其然二丑之也而賦長之也

其然人出賦也其然二丑之也而賦長之也

其然人出賦也其然二丑之也而賦長之也

其然人出賦也其然二丑之也而賦長之也

其然人出賦也其然二丑之也而賦長之也

其然人出賦也其然二丑之也而賦長之也

明勅授修職郎警愚朱公繼配白孺人節烈傳老三房十二世諱

公前任陝西縣丞己亥丁外艱後謁選於京遂繼娶白氏公病故

敘畢竟自刎於几前大司成成公聞於朝

勅賜祭葬

特旌節烈薊州有刎頸殉夫坊每至春秋命官祀之薊人亦爲之

立祠墓側凡所祈禱無不感應是貞婦烈女其足以垂名於萬世

也載浙江通志

望其公與賦也其然人出賦也其然二丑之也而賦長之也

望其公與賦也其然人出賦也其然二丑之也而賦長之也

望其公與賦也其然人出賦也其然二丑之也而賦長之也

望其公與賦也其然人出賦也其然二丑之也而賦長之也

明例贈通議大夫望男朱公配例贈淑人周淑人傳

大房十三世諱苔

望男朱公名苔其配周淑人以宜家睦鄰動合義理為鄉里矜式

動息必相誠曰其勉為周淑人或偶勃谿則曰毋為周淑人所笑

望男公愛側室某淑人不特無幾微間且多方顧恤望男公卒為

擇人厚嫁某又善貧日給無倦疾革猶手精好十數事曰此婦命

窮其貽之婦奔慟昏暈故時以淑人比程武陽君云今其子姓繁

衍科第蟬聯不絕為姚江望族豈偶然哉

載姚江文獻錄

都察院左都御史施邦曜撰

明例贈通議大夫望男公配例贈淑人周淑人傳

大房十三世諱苔

按母出自周之閭下幼有淑質時濟齋朱翁德聲浹家國為家君

望男卜偶遂歸焉於翁姑妯娌宗黨下至臧獲處無不宜然庸行

內飭無遂無非母行其素而人於母亦猶布帛菽粟日旨之而未

嘗來烜赫之譽久之德和蒸徹動於自然族支某某夙有隙聞母

德音輒冰釋以至聞於市怒於色者往往不取正於鄉達而就質

於母之片詞母於人緩急疾痛如春雨膏澤遇物裁施偶舉一佃

趙某驅母財同夥發其詐趙挈逃夥力追以證實至則母曰爾敗

行若是將自絕生理吾不忍若以敗行坐斃為中分其金而往各

媿謝感泣其他周邨媼族不特不責報并不使知嗚呼母之賢豈

易悉哉大凡閨媼不易揚以其職在坤順也亦惟奇節苦行易紀

而庸德庸行難傳然惟庸而始可大可久舉奇節苦行者不是過焉溯昔眉山父子兄弟以文章節義高千古而孰知仲翁篤慶有程母以光顯今濟翁則師門之仲翁也周母則程武陽君也種德不讓古人是以長孫文弼已穎發南宮行且有繼眉山而後先輝映者故曰母之行實在當年其神明在後嗣其保世滋大在千百禩小子粗能傳其可傳而其不傳者正未易盡也猗與

嘗來感赫之譽人之感味蒸熾構李門下士王印昌謹述聞母內曾無幾非母言其素而人欲母亦餘亦昂然東日首之而朱差與小斷數補然然故故致宗黨不至無窮與無不宜然事行楚母出自閩之開不以有婦實報德未餘新德與宗國風氣甚即附觀無難大夫望與公酒飲與人固感人斯

明庠生茹實公繼配勞孺人節孝傳 老三房十三世諱童養

守節一也而亦有不一者上之繩於貴下之激於賤中之繩激介貴賤之間夫介於貴賤則繩之者輕而激之者寡其節似無足重輕者而我獨以為其節較重何則士雖賤實貴使歿身而至於妻不保豈不痛甚夫是以重其節也賢哉孺人幼寡而撫遺腹子成人以克全夫子之名矧其淑質和平有未易更僕數者亦無庸贅夫孝庸德正不必求其異而即是亦以異矣

復瀆謹識

明紹泉公配張孺人懿畧二房十四世諱廷標

戊寅冬叔祖母張孺人葬西郊叔英氏躬聚土為墳復結茆墓
次旦夕瞻依同儕贈以詩歌久之叔英出母行畧屬堯淳為傳披
讀終篇因嘆叔英純孝固性成其所漸迪者更有素矣按母三歲
失恃育於繼母李孺人穉年敬慎如成人李亦忘非己出字叔祖
紹泉翁時李已產一女為悉力治裝母曰妹在兒焉得獨盈願半
給以資妹李不聽因貽一笥授李曰此兒幼時器用姑置之此啓
則粲粲服飾中分以助妹氏者也李於是益竒之母既歸凡內則
所載無不躬循且恪李時問遺未嘗私啓必上尊人曾叔祖義泉
翁薄宦積俸不給繁指母日卸粧以充公費不特無纖毫吝抑且
先意以迎烹鮮進嗜兩尊人意油油懌忘其食貧而更推情伯仲

絕不介彼此義泉翁病劇紹泉公積誠密禱願易算一紀詰朝翁
漸愈母喜勿藥以賀公公告之故母曰有是哉人不能孝縱百年
禽視耳君能壽翁吾豈不能壽君亦密禱於天願以己壽分畀恒
以孝道相倡隨視雜佩問報直昵昵兒女耳紹泉公固介直不問
生產母勤絀績以佐既舉伯仲兩叔夜分或寘諸懷或加諸膝矻
矻與雞候曉比課叔英讀嚴督慈撫丙夜罷始丙夜寢午夜罷始
午夜寢而叔英亦誓穿桑硯磨藥杵以副之洎義泉紹泉兩翁相
繼去世家惟饘粥數畝一日呼諸子謂曰爾父一生清白絕不事
私橐里有爭市廛者暮奉金為壽爾父峻却不受惟領報本祀銀
若干子母熾矣尚未償將捐此薄植了之即壁立釜塵幽明交慰
爾輩為清白子孫所得多矣遂粥產竟事曰吾今可以謝紹泉公

矣甘貧飴董耄年操作以率諸嬪比疾棺槨衣衾製皆自命享年七十二而卒卒之日宗黨無不匍匐悽惋然母非獨行孚於人也當年病頸癭瘁甚叔斗如氏聞濱海神甚靈往禱是夕夢一神綸巾道服翩翩從龍山來謂母曰汝孝嬪特來拯汝遂抉頸皮如擷紙狀覺而轉動如舊頸頓霍然其誠孝格神乃如此子四豹即叔英氏娶於呂幽閒有嬪德堪嗣徽音惜乎早世姪孫堯瀆頓首讓

清雪菴公配林孺人孝行傳贊

老三房十五世諱元錦

孝庸行也即刈股亦庸蹟也聞者畧焉嗚呼夫既聞而畧之而獨奈何不以此至庸者一試之已乎吾故不敢以刈股者而畧之孝哉孺人未及采蘋先為剗腕既不忍於父母自不有違於舅姑惟其純孝天成是以母儀備至相夫立業訓子能文良有由也是安得不表而出之

復瀆識

贊曰男女正位繫於家人佐理成業咸藉得姻維我林母孝敬慈仁未笄已嫻七戒于歸更篤五倫上堂翼翼菽水必親入室劬劬夙夜緝經相夫恒師夫喻豹俛標翁之名若岫迪子常效夫和熊俛嗣子之學日新尤異者到股拯父秘不露唇尤賢者襁褓庶嗣無殊已娠至若助我翁之重傳侑我翁之睦鄰亦和亦肅實恭實

勤誠巾幗中之男子詢副瑯內之正人宜其盈階玉樹福壽駢臻
罔弗手額額而津津

案舊譜雪菴公割股療親志其孝行而林孺人未結褵之先
贊剗腕以拯其父孝子孝女合為唱隨此天地積厚之氣所萃不

特為吾族譜中志之不朽也

其蘇李天如以母贈贈至時夫立業贈于弟夫其文治識且安
始蘇人未如采蘇武為歐州鴉不感然父母自不肯數外是故蘇

奈向不以地至爾香一端之平吾始不始以似類香而

敬雲公酒林爾人奉行於贊

明庠生顯姿公配楊孺人孝節傳畧 老三房十五世諱美政

節孝之性雖出於天亦未嘗不從其類也其父其母其戚罔不敬

倫幼而習之長而安焉矣如入芝蘭之室久而彌馨也楊孺人之

羹股療親謂非從其類者哉孺人嚴君積學鴻儒為世模楷其弟

家學克纘儒雅彬彬耳目之者固有素已孺人天植慈良即孤

立猶將自勵况吾家舊有孝名其同室中亦未嘗乏也是以始見

其孝終守以節則超儕拔萃豈特不扶自直之謂乎 事載邑志

清貢生天章公配戴孺人行畧

大房十六世諱漢

孺人勵已以勤處羣以遜尊身內外愉愉無間姑姜安人素病孺人爲之分勞代瘁時其饑渴靡不曲體周至相夫子脫簪贈珮懽然罔替且素爲其伯父方伯公所珍尤與其副室毛氏相善一日毛病且革籍遺資意屬孺人孺人以瓜李嫌比屬續始往哭之以見昔之事伯父與毛氏非以利也嗟嗟世人以斯須構骨肉豈不解而孺人能介介如是僅閨秀也哉

清迪賢公配胡孺人傳畧 二房十八世諱岳陽

節母胡氏處士諱禹績女也年二十一歸我室人從父朱公迪賢公少失怙恃依仲父居仲父亦早世節母事仲姑如姑處仲姑娣姒間無間言不幸所天方壯暴病故一子女二女長纔十齡幼未及晬節母惇惇撫孤與娣姒同操作迨後析居敝廬數椽餘無長物節母日食不再飽夜無膏火往往乘月紡績以婚以嫁如是三十餘年壽七十終子潤之國子生有孫讀書應童試有聲將食其報語云節婦有後諒哉

賜進士出身 誥授奉政大夫禮部候補主事姪婿周喬齡謹纂

清迪兆公配徐孺人傳畧二房十八世諱 岳山

外母徐孺人父文奇母宋氏南城舊族孺人性慈柔肫然如佛年二十一歸我外舅朱公諱迪兆外舅少孤貧醬瓿酒壚與傭保雜處偕其兄為甘旨計勿鄙也孺人來歸之日家業草創從兩姒婦執爨紡織匡其不逮遭姑氏喪哀毀逾禮外舅不幸早世孺人忍死撫孤外事聽之兄公最後兩孤克自成立孺人惟率諸婦職內事晚年邁目疾長齋奉佛以終年六十有九一生無疾言忤色與能仁氏之教殆有宿果云

賜進士出身外誥授奉政大夫禮部候補主事子壻周喬齡謹纂

清例授宣德郎琴堂公配例封安人葉安人節孝行畧老三房二

節母葉安人父光祿寺署正煥初公慈水舊族安人賦性靜貞幼

嫻壺訓翁和聲公為嗣求匹因訂焉安人年二十歸琴堂公生子

二慶增慶榮女一長纔三齡幼且遺腹而所天不祿安人毀不欲

生乃翁姑年老子女幼穉不獲已忍死撫孤以奉事兩尊人生養

死靡靡不盡禮不料兩孤將及成立相繼暴卒苦節若此苦之至

矣而安人甘荼飴董矢志靡他且仰體先志欲永烝嘗適宗祠輯

譜慨助千有餘金崇孝祠及鳴玉公以下各祭俱有助承先人之

餘澤而用之於正以視夫世之寡而佞佛者直不啻天淵之別矣

禮曰如竹箭之有筠如松柏之有心貫四時而不改柯易葉安人

有焉族姪銘謹識

餘姚縣志 卷十四 傳畧 一

清邑庠生杏樓公繼配徐孺人傳大房二十二世諱枚

乾隆十五年禮部議從江蘇巡撫奏以天下爲節婦者衆不可盡予旌表乃定爲格夫死年踰三十不當旌姚惜抱先生謂婦人之行有不幸不如格而其苦節若難於如格者國家立制不得不立之限耳若夫人心之褒善非可以例論也如我徐氏嫂乙酉入門勸讀踰年兄始入學迨鄉試屢不得志癸巳秋夜縊於寄寓謝氏書館中嫂氏毀不欲生吾父勉守大義撫其姊生子蔚然及其孤怡然與遺腹女且上養病舅長臥在牀不知人事寒暖燥濕體察微不至有時吾父子至縣視如君舅視伯叔如同產無介微嫌其德性殆堅定者歟俟癸卯蔚然庚戌怡然先後入學猶令遵教勉爲醅儒女適西鄉廩貢生謝樹榮精醫術女佐夫有治家才承母教

也嫂自諸弟析爨居後竭力經營坤爲吝嗇其節縮衣食固其宜耳蔚然赴蘇以儒兼賈出於不得已而粵寇告警卽歸未幾病卒本邑土匪擾亂復引粵寇侵犯其長孫肇基避難燕窩被擄憂患之撻雖男子猶不堪而况婦人余於嫂六十歲曾製壽言備陳苦志不意後來苦志更有甚於前者余視學皖江聞肇基自賊中逃歸方爲嫂心慰而嫂漸病矣及予之患病乞退嫂已前卒其家述思余見一面以愬苦志竟不得面余乃思嫂之苦守倍於如例之節母惜抱先生之說直其然乎嫂自女在孕卽茹食直至垂盡之年每逢祭祀烹調必誠必潔終始如一仲叔憇行築室別居自言艱難嫂念其督家政勞勩久爲請諸叔共助其嫁女奩資傷次媳潘之淑德不壽其弱息鍼線事皆親爲之續娶復如故至孫肇基

歸迎娶孫婦語家人曰吾不料親見其事也外寇未來足已不良於行會避難更險本宅遭兵燹歸寓卓人弟之屋卓人死而無念其苦者病作飲食日減猶勉強支持其弟濬之連有貸券藏諸篋病革念其弟死於難亟令其子來檢券付之謂抵汝家數代葬費其思慮無不周也將死之期忽曰蔚然攜杖請行風雨甚我不能行須坐輿少頃言輿已至伺候人多宜衆給之半夜行矣送終者聞滿室檀香氣許久不散然後知嫂之苦行默鑒在天已他日擬呈節畧於學使者以待旌門而伸其素志并可耐祀於節孝祠焉叔弟蘭譔

清誥授通議大夫廣西按察使司麗江府君配誥封淑人顯妣江淑人行狀二房十九世諱爾漢

顯妣江淑人外大父諱廷柱世居潞河以貳尹職未仕游京師性蹇特尚內行外大母臧孺人生二女長我母次爲俞從母女典女誠皆親授之乾隆癸未臧孺人卒母年甫十二哀毀幾成篤疾我祖妣熊太淑人在堂聞而賢之爲府君諱爾漢述匹江公亦以孝友人重府君遂許焉母年十五歸府君時先伯父旣鰥仲父未娶季父幼母以弱年爲婦內職之修日無廢事逾年諸世母歸娣姒之間恂恂如也祖妣顧而樂之乾隆甲午府君以吏目分發甘肅歲庚子署靖遠縣尉迎祖妣於署是冬祖妣疾作且篤府君剗臂合藥得瘥逾年三月疾復作府君已赴烏斯我母晝夜抑搔不離

寢榻者兼旬百計求痊不起悲感既深尤不敢遺毀大事逆回蘓四十三叛起枹罕攻蘭州烽烟二百里接靖時祖妣衾斂甫畢一夜漏三下人聲鼎沸母唯密紉衣履懷匕首依棺而泣黎明甫定始知賊有乘筏趨靖者遇風半覆於河餘亦解去府君奔喪返靖歸葬京師留眷關中歲甲辰關中治城府君服既闋當道者欲留陝督工事母曰留此特爲子女溫飽計耳豈本志乎府君終赴甘鹽茶小山田五之亂作掠靖遠攻城甚急府君奉檄協守靖城信至陝母憂之遶一僕探狀至則府君已生擒內應賊一百三十有八名卒保靖城獲火藥數萬石賊聞風未敢入京師恩旨矣旋署隆邑事定遣人赴陝迎春時外大父江公暨繼配章孺人久奉養適江公病初愈母不欲發江公促之再不獲已付托

有人而去過邠卜有門裏團圓之句母愀然逾月計聞母哭曰近依十有三載今適遠之而不能視含殮豈非天平時外大父年七十有九矣無嗣我母色養之隆過於賢子故終老安之府君既補隆德調臯蘭陞涇牧皆衝瘠母以勤儉持內政雖子女筆札針績之需皆須告白悉不得擅用官錢故府君歷任牧令差免漏厯者賴此歲乙卯府君陞守鞏昌郡嘉慶丙辰教匪擾川楚府君設卡兩當繼而督兵轉餉終歲驅馳於川陝秦隴間庚申陞鞏秦階道遂駐兵防堵者四年時我母居鞏凡府君衣甲之屬日更月替悉由手辦齋心禮禱歲無間時至癸亥凱旋而後喜動顏色也當府君自蜀旋被創憊甚我母躬督調護湯藥必親逾月軍符下府君曰得此靜攝日可當年身已強母念也遂趨戎次秦隴既被賊或

勸移省母曰我家在此一城之望妄有舉動必滋搖惑况汝父尚在戎馬間乎終不徙每值驅民守陴燈火號呼驚心屢矣然民氣藉以鎮靜亦卒無患時流徙難民府君悉籌以口食賊遠遣去父赴營母令浩等時往稽無使不足歲甲子府君移任肇羅沈隨往浩待母寓秦仲冬北上適府君陞粵西臬并督解盜首入京母及浩得見府君於良邑逾年浩等侍母之任途次慈體違和透遲至衡湘間府君訃聞舉家驚號我母一痛幾絕雨慘風悲不堪言狀當府君留母寓秦未訂晤期我母為妹留五月忽定意北上假使寓秦則良鄉再接音容豈可得乎奉輻而歸下瀟湘過洞庭至漢川從陸行次商橋突遇奔流折柱投古剎棲遲於長廊破壁間者三宿至新樂河驟漲靈輻先行十數人奉慈輿涉水而進浩乘一

叵羅隨亂流濟之已浸浸半在水中矣母毫無蕙色是日投館已暮至夜半忽有縣役叩門逐客謂兵差即至敢迫不休幸隊中有素知吾父者轉呼朋奠慰而去此行也萬里間關唯我母憂勞獨至抵里後秉訓經營謹安窀穸浩援例授知府丙寅分發江右庚午服闋再至次年迎母蒞江嘗戒浩等曰汝祖為絳尉人稱長者汝父宦西州實有重名貽謀當念勉做好官報沈自風木含悲沈國恩衍世澤榮莫如之貧非吾畏也癸酉沈亦援例補嘉松鹽運司判官曾迎吾母兩之浙江浩之需次江右也十有四稔謬邀大吏知奔走鞠讞屢奉委牒視問間或垂訓及之惠術德音恒有指浩示浩偶權一郡吾母每屬耳聽事退則顧而笑曰予猶待汝同食也辛巳仲冬為母七旬初度浩適奉南安之檄曰山水應接愈於

就舍周旋予固樂隨汝去也屆期次樟樹兒孫輩介壽於一舟之
 上今春署篆饒州奉母莅署浩以駑駘竭蹶於案牘之時多至五
 月忽天降霪雨水溢鄱湖舟行城市二十一夜雨尤注意夕不眠
 母亦夜起謂浩曰聽此雨聲心實惕惕居民之蕩析可念浩謹與
 同官祈叩於神母亦虔禱於署據情上達扁舟四出並措置錢米
 日有所給七月得替返省溯我父幼湛籩豆之歡自風木含悲友
 于益篤浩天恩授精共高自伯叔以下兄弟之子婚宦經營我母勤襄尤力
 怡怡伯仲終始無一間言乙丑丙寅間諸伯叔相繼下世及父柩
 歸自粵西營葬畢吾母即命返伯柩于秦迎叔眷於楚各完大事
 叔有子女尚幼撫之成立悉為擇配授室伯子湘前歲病沒溧陽

丞任世母既老諸孫無所就我母即令浩措資往迎悉莅沈署
 凡此又府君身後十數年間我母區畫而規為之者非祇解衣推
 食擬其萬一也祖妣曾夢人授以瑤爵十數具幾墮地旁一人手
 承之得無損顧之吾母也祖妣固異視吾母且謂他日能任家者
 必此婦也四十年來撫孤存寡不一其人至於貧苦來按緩急設
 法必應雖踈賤不拒當病革時聞某家且斷炊曰篋中有青蚨二
 貫可遺之粟若陳勿與也愛惜物力人已無分衣裘閱數十年不
 易兒孫衣袴多補綴成之終身不食特殺疏食之日多酒漿醢醬
 悉能手製供祭祀接賓客則必誠必潔浩沈幼蒙慈訓嚴於趨庭
 即今姪瀾孫榮孫檢從師授讀病中猶時訊其勤惰善言娓娓常
 訓于家人聽之者忘倦今歲夏秋濕重慈體偶染微瘍愈後脾胃

不強寢興覺憊竟以微疾於道光三年十月十一日子時長逝距
生於乾隆十七年十一月初六日亥時享年七十有二嗚呼痛哉
捨地呼天悔何及矣生男二長不孝浩次不孝沈女二長適前清
苑令靈石王德棻故太僕諱如玉公次子也姊性淑敏幼解溫清
祖妣年老患足冷終夜以身取暖不去長能承志德棻官良鄉天
津涿州清苑皆有聲姊持內政莫不井井而津邑之名尤著歲己
卯姊病沒保陽年甫五十有二妹適現任太荔縣丞大興陸淮前
戶部主政諱鍾公長子妹性柔嘉樂依父母既適陸連丁重憂衰
經逾十稔襄夫挽車歸喪者四次太行王屋間重趼瀆血矣粵西
往省聞訃衡陽慰母長途實多妹力浩權潯妹曾蒞署庾樓侍膳
相對怡懌思之痛絕前歲有來江之請不果次年病沒於陝年甫

四十有四悲哉姊妹爲我母日不去懷之人惡耗若此年來唯有
忍泣吞酸平安謬報其痛心甚于放聲一哭也故附載其概爲浩
娶吳孫男二人榮檢孫女五人爲沈娶張何錢孫男一人葆孫女
二人不孝等苦塊昏迷語無詮擇伏冀大人先生表以金石之文
哀感無極

男浩謹述

賜進士出身內閣中書

欽陝命陝命西考試官同知江西廣信府事姻愚姪譚清長填諱

姓次命西晉趙官同映其西與前中事敵恩致勝散員與精
顯然上出長肉閣中書

克如燕封

與部難致

二人不爭執苦說者致無錯分其大人出主妻以金百之文
獲與社長二人榮命醉文正人欲其復與神幾與一人將將文
恐空吞頰平安願其其心甚于效轉一與也其何障其琳然
四十百四悲始林秋為好好日不志則文人悲其其北半來郵

